

四庫全書

子部

欽定四庫全書

子部

御定淵鑑類函卷一百八十六
七

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣高 中

謄錄監生臣劉清礪

欽定四庫全書

御定淵鑑類函卷一百八十六

樂部三

舞

舞一

原樂之在耳曰聲在目者曰容聲應乎耳可以聽知容
藏于心難以貌觀故聖人假干戚羽旄以表其容發揚
蹈厲以見其意聲容選和則大樂備矣詩序曰詠歌之
不足不知手之舞之足之蹈之然樂心內發感物而動

不覺手之自運歡之至也此舞之所由起也 又曰前
代樂飲酒酣必起自舞詩云屢舞僊僊是也宴樂必舞
但不宜屢耳前代譏在屢舞不譏舞也漢武帝樂飲長
沙定王舞是也魏晉以來尤重以舞相屬也謝安以屬
桓嗣是也近代以來此風絕矣宋孝武帝大明中以鞞
拂雜舞合之鐘石施于廟庭鶴舞馬舞竹書穆天子傳
亦有之宋鮑照又有舞鶴賦此舞或時而有非樂府所
統今翔麟鳳苑廐有蹀馬俯仰騰躍皆合曲節朝會用

樂則兼奏之 韓詩曰萬大舞也又歷代舞名有象箭

南籥之舞

周文王樂

武德文始五行之舞昭德舞盛德舞四

時舞雲翹育命之舞大武舞昭武鳳翔靈應武頌武始

咸熙章斌之舞

並漢魏宋廟樂名

以土地名之有周舞鄭舞趙

舞巴渝舞淮南舞燕渝舞古之舞曲有迴鸞舞七鞞舞

張衡有七鞞舞賦

縈塵舞集羽舞

見王子年拾遺記

翹袖舞折腰舞

並戚

夫人所作見西京雜記

白鳧舞

吳孫皓時所作

羨水舞

見何承天纂文

杯拌舞公

莫舞灑舞拂舞

並晉初時俗所作見沈約宋書

增樂府雜錄曰舞者

樂之容也有大垂手小垂手或如驚鴻或如飛燕婆娑
舞態也曼衍舞綴也古之能者不可勝記即有健舞軟
舞字舞花舞馬舞健舞曲有稜大阿連柘枝劍器胡旋
胡騰軟舞曲有涼州綠腰蘇合香屈柘團圓旋甘州等
字舞以舞人亞身於地布成字也花舞著綠衣偃身合
成花字也馬舞者褫馬人著綵衣執鞭于牀上舞蹀躞
蹄皆應節奏也開元中有公孫大娘善舞劍器僧懷素
見之草書遂長蓋準其頓挫之勢也 舞器有相

狀如
鞞韋

表糠裏以漆跌局承應小春謂之應所以應片賣以竹為

而擊之所以輔樂節雅之狀如漆桶而弁口大二圍長五尺六寸以羊韋輓

樂之旁有兩紐疏畫武舞工人所執所以節舞也

戈周官司戈盾籥籥師祭祀鼓弓矢大司樂大射令奏

矢舞樂師燕射帥射戚玉戚剡玉揚毛萇謂翟詩曰右

夫以弓矢舞蓋周制以飾其柄揚揚錢也翟手秉翟

驚詩宛丘有驚羽驚翻翻素羽葆幢爾雅曰翻素也郭璞

者建以旌旌夏大旌舞者行列節先代之舞執節二人

為容以大旌表識之也節今有析朱繒三重之

制有自麾叶律郎執之箭春秋傳舞衣有冕記曰朱

冕而舞皮弁明堂位曰皮弁素原易曰鼓舞而天下

大武積楊而舞大夏

三

從之 毛詩曰舍其坐遷屢舞僊僊側弁之俄屢舞傑

傑 又曰公庭萬舞 又曰萬舞有奕 又曰蹲蹲舞

我 虞書曰帝乃誕敷文德舞干羽于兩階七旬有苗

格 又曰百獸率舞 樂記孔子曰夫樂者象成者也

象成功而為樂 總干而山立 總持干盾 武王之事也發揚蹈厲

太公之志 志在鷹揚 武亂皆坐周召之治也 武亂武之治也皆坐蓋以象其

人無事 且夫武始北出 象觀兵 再成而滅商 成猶奏也再奏象克殷時

三成而南 誅紂而南 四成而南國是疆 有南國疆界也 五成而分周

公左召公右

分陝東西而治之也

六成復綴以崇

六奏象兵還振旅也復綴反位

止也崇充凡六奏以充武樂

天子夾振之而四伐盛威于中國也

夾振

之者王將夾舞者振木鐸以為節也武舞戰象也四伐者伐四方也每奏四伐一擊一刺為一伐

又

曰治民勞者舞行綴遠治民逸者舞行綴短故觀其舞

知其德

行列也民勞則德薄德薄則賜少故綴遠民逸則德盛德盛則賜多故綴短謂人相去遠近也

又曰以禘禮祀周公于太廟朱干玉戚冕而舞大武

增內則曰十有三年學樂誦詩舞勺成童舞象二十

舞大夏

先學勺後學象文武之次也大夏樂之文武備者

月令孟春命樂正

入學習舞 文王世子大樂正學舞干戚不舞不授器

釋奠則舞舞則授器司馬之屬司兵司弓司盾祭祀授舞者兵也

原周禮地官舞師

掌教兵舞帥而舞山川之祭祀教帔舞帥而舞社稷之

祭祀教羽舞帥而舞四方之祭祀教皇舞帥而舞旱暵

之事

四方祭祀謂四望也旱暵之事謂雲也暵熱氣也

春官樂師掌國學之政

以教國子小舞

謂以年幼少時教之舞

凡舞有帔舞有羽舞有皇

舞有旄舞有干舞有人舞

鄭衆云帔舞者全羽羽舞者析羽皇舞者以羽冒覆頭上

采飾翡翠之羽旄舞者麓牛之尾干舞者兵舞人舞者手舞社稷以帔宗廟以羽四方以皇辟雍以旄兵事以

千星辰以人舞元謂帔析五采繒今靈星舞子持之是也皇離五采羽和鳳凰色持以舞人舞無所執以手袖為威儀四方以羽宗廟以人山川以干旱暵以皇凡四方之舞仕者屬焉凡祭

祀賓客舞其燕樂籥師掌教國子舞羽吹籥

文舞有持羽籥者所

謂籥舞文王世子秋冬學羽籥

祭祀則鼓羽籥之舞

鼓之者恒為之節也

賓饗亦

如之

增又曰旄人掌教舞散樂夷樂

散樂野人為樂之善者夷樂四

夷之樂也

原左傳曰魯考仲子之宮萬焉公問羽數于衆

仲對曰天子八佾

六十人

諸侯用六

四十人

大夫四

二十人

士

二十六人

夫舞所以節八音而行八風也故自八以下於

是公從之始用六佾也 爾雅曰婆娑舞也 五經通

義曰王者之樂有先後者各尚其德也以文得之先文

樂持羽毛而舞以武得之先武舞持朱干玉戚而舞所

以增威武也戚斧干楯也玉取其德干取其仁明當尚

德行仁以斷斬也 又曰東夷之樂持矛舞助時生也

南夷之樂持羽舞助時養也西夷之樂持鉞舞助時殺

也北夷之樂持干舞助時藏也 蔡邕月令章句曰天

子省風以作樂所以節八音而行八風 樂容曰舞天

予八佾諸侯六大夫四士二佾佾列也每佾八人每服冕而執戚有俯仰張翕之容行綴長短之制所以受命而歌王者之功也人之動而有節者莫若舞肆舞所以動陽氣而導物也 樂緯曰武王承命興師渡盟津前

歌後舞 漢書曰高祖廟奏武德文始五行之舞武德者象天下樂已行武以除亂也文始者本舜韶舞也高祖更名曰文始示不相襲 增隋平陳獲宋齊舊樂于是牛弘等定文武之舞 唐樂志太常卿韋萬石定凱

安舞 宋樂志天下大定之舞 原吕氏春秋曰陶唐

氏之始陰多滯伏民氣壅閉故為作舞以宣導之 韓

子曰長袖善舞多錢善賈 淮南子曰今鼓舞者身若

秋葇被風

葇白芷也 被風言其弱也

增文中子曰子謂武德之舞

勞而決其發謀動慮經天下乎謂昭德之舞閑而泰其

和神定氣綏天下乎武德則功存焉不如昭德之善也

原楚辭曰二八齊容起鄭舞衽若交竿撫案下 又

曰翾飛兮翠曾

曾舞也言舞工巧似翠鳥之舉

展詩兮會舞 魏名臣

奏王朗表曰凡音樂以舞為主自黃帝雲門至周大武
皆太廟舞樂名也樂所以樂君之德舞所以象君之功
增樂府雜錄唐雲韶樂舞童五人衣繡衣各執金蓮
花引舞者金蓮如仙家行道者也舞在堦下設錦筵宮
中有雲韶院 鄭樵曰舞與歌相應歌主聲舞主形自
六代之舞至於漢魏並不著辭舞之有辭自晉始 續
文獻通考曰遼之大樂舞用二十人分四部又有景雲
舞慶雲樂舞破陣樂舞承天樂舞 又曰金熙宗皇統

間定文舞曰仁豐道洽之舞武舞曰功成治定之舞貞
元儀又改文舞曰保大定功之舞武舞曰萬國來同之
舞世宗大定十一年加武舞曰四海會同之舞 又曰
元樂舞用樂音王隊男子三人戴青面具舞蹈次為飛
天夜叉隊舞蹈而進又以婦女二十人執牡丹花舞唱
次以婦女搖日月金鞵稍子鼓舞唱相和次男子五人
作五方菩薩相一人作樂音王相歌舞其壽星隊用男
子執金字牌或執梅竹松椿石或作飛鴉之象俱各歌

舞而進又有執寶蓋日月棕毛扇或魚鼓簡子龍竹藜
杖齊唱舞而前禮樂隊用童子五人執香花婦女二十
人分為四行鞠躬拜興舞蹈或執孔雀幢舞唱男子八
人披金甲執金戟一人冠平天冠執圭齊唱舞而前

又曰明樂典凡文舞雲門咸池大韶在庭阼階之左武
舞大夏大濩大武在庭賓階之右位為六列施英韶而
舞之各有四表表距四步為節綴各六十四合用三百
八十四人

舞二

原家語曰子路戎服見孔子拔劍而舞曰古之君子固以劍自衛乎孔子曰古之君子忠以為質仁以為衛增拾遺記云燕昭王即位廣延國來獻善舞者二人一名旋娟一名提嫫體輕氣馥或行無踪影或積年不饑昭王處以丹綃華幄飲以瑠玕之膏飴以丹泉之粟王登崇霞之臺乃召二人徘徊翔舞殆不自支王以纓縷拂之其舞一名縈塵言其體輕與塵相亂次曰集羽言

其宛轉若羽毛之從風末曲曰旋懷言其支體纏蔓若

入懷袖也

原漢書曰孝武李夫人本以倡進兄延年

知音善歌舞延年侍上起舞歌曰北方有佳人絕世而

獨立一顧傾人城再顧傾人國寧不知傾城與傾國佳

人難再得平陽公主因言延年女弟上召見實妙麗善

舞由是幸生昌邑哀王

范曄後漢書曰蔡邕坐上章

事徙及歸將就還洛五原太守王智餞之酒酣智起舞

屬邕邕不為報智者中常侍王甫之弟智銜之密告邕

怨于囚放謗訕朝廷邕慮卒不免禍乃亡命江海遠跡
吳會 魏志曰陶謙字恭祖為舒令郡守張磐恥為之
下磐舞屬謙謙不為起強之乃舞舞而不轉磐曰不當
轉耶曰轉則勝人 增英雄記曰建安中曹操于南皮
破袁譚于馬上舞三巴 原吳志曰陸遜破曹休王與
羣僚共會酒酣命遜舞解所著白鼈子來賜之 增郭
象云王仲祖酒酣起舞劉真長曰阿奴今日不復減向
子期 唐太宗李靖問對靖曰臣觀陛下所製破陣樂

舞前出四表後綴八旛左右折旋趨走金鼓各有其節
此即八陣圖四頭八尾之製也帝曰兵法可以意授不
可以言傳朕為破陣樂惟卿已曉其表矣 唐會要曰
咸通中伶官李可久為歎百年舞曲舞人皆盛飾珠翠
仍畫魚龍地衣以列之曲終樂闋珠翠覆地詞語悽惻
又于國安寺作菩薩蠻舞上益憐之 記事珠白居易
有姬善舞名春草 李後主宮嬪窈娘善舞作金蓮高
六尺皆品色瑞蓮令窈娘舞蓮中回旋有淩風態齊鐫

詩曰蓮中花更好雲裏月常新以其足如新月也 宋
太祖時文德武功之舞郊廟殿廷同制其容綴未稱朝
廷揖遜之意和峴請先奏文舞焉 宋寇準好柘枝舞
會客必舞柘枝盡日時號柘枝顛 元史耶律鑄傳清
廟雅樂止有登歌詔鑄製宮懸八佾之舞樂舞成表上
之賜名大成 原雜舞曲有公莫舞即巾舞也相傳云
項莊舞劍項伯以袖隔之使不得害高帝若語莊云公
莫古人相呼曰公莫害漢王也後之用巾蓋像項伯衣

袖之遺式按琴操又有公無渡河曲然則其聲從來已久俗云項伯非也巴渝舞者漢高帝自蜀漢將定三秦閬中范且率賁人以從帝為前鋒號板楯蠻勇而善鬪及定三秦封且為閬中侯復賁人七姓其俗喜舞高帝樂其猛銳觀其舞後使樂人習之閬中有渝水因以為名故曰巴渝舞舞曲有矛渝安臺弩渝行辭本歌曲有四篇其辭既古莫能曉其句度魏初使王粲改創其調晉及江左皆製其辭也

犢舞漢曲至晉加之以杯

謂之世寧舞也張衡舞賦云厯七輦而縱躡王粲釋云

七輦陳于廣庭顏延之云遞間開于輦扇鮑照云七輦

起長袖皆以七輦為舞也干寶云晉武帝太康中天下

為晉代寧舞矜手以接輦反覆之

至危之象言晉代之士苟貪飲食智不及

遠至宋改為宋世寧至齊改為齊代昌舞今謂之輦舞

隸清部樂中

鞞舞未詳所起然漢已施于燕享矣傅

毅張衡所賦皆其事也魏曹植鞞舞歌序曰漢靈帝西

園鼓吹有李堅者能鞞舞遭亂西隨段熲先帝聞其舊

伎名之堅既中廢兼古曲多謬誤異代之文未必相襲
故依前曲改作新歌五篇不敢克之黃門近以成下國
之陋樂焉 明之君漢代鞞曲也梁武帝時改其曲詞
以歌君德也 鐸舞漢曲也晉鞞舞歌亦五篇及鐸舞
歌一篇幡舞一篇鼓舞伎六曲並陳于元會鞞舞故二
八桓元將即真太樂遣衆伎尚書殿中郎袁明子啟增
滿八佾相承不復革宋明帝自改舞曲歌詞猶存舞並
闕其鞞舞梁謂之鞞扇舞也幡舞扇舞今並亡 白鳩

吳朝拂舞曲也楊泓拂舞序云自到江南見樂府舞曲
或云白鳧鳩云有此來數十年察其詞旨乃是吳人患
孫皓虐政思屬晉也隋牛弘請以鞞鐸巾拂舞陳之殿
廷帝從之而去其所持巾拂等 白紵舞按舞詞有巾
袍之言沈約云紵本吳地所出疑是吳舞也晉俳歌云
交交白緒節節為雙吳音呼緒為紵宜即白緒也梁武
帝又令沈約改其詞曰有四時白紵之歌約集所載是
也今中原有白紵曲詞旨與此全殊 增禮畢者本自

晉太尉庾亮家亮卒其伎追思亮因假為其面執翳以舞象其容取謚以號之謂文康樂每奏九部樂終則陳之故以禮畢為名其曲有散華樂等隋平陳得之入九部樂 柘枝舞樂苑曰羽調有柘枝曲此舞因曲為名用二女童鮮衣帽施金鈴并轉有聲其來也于二蓮花之中藏之花折而後見舞中之雅妙者也 七德舞本名秦王破陣樂太宗為秦王破劉武周軍中所作及即位宴會必奏之製舞圖左圓右方先偏後伍交錯屈伸

以象魚麗鵠鶴舞初成觀者皆扼腕踴躍列將上壽曰
此陛下百戰百勝之形容太常卿蕭瑀請備禽獲之狀
帝不許 九功舞本名功成慶善樂太宗生于慶善宮
貞觀六年幸之宴從臣賞賜閭里同漢沛苑帝歡甚賦
詩起居郎呂才被之管絃以童兒六十四人八冠進德
冠紫袴褶長袖漆髻展履而舞號九功舞進蹈安徐以
象文德 上元舞高宗所作舞者百八十人衣畫雲五
色以象元氣大祠享皆用之

舞三

原象功

明德

後漢書詔曰歌所以象德舞所以象功光武廟樂舞名曰大武之舞史記曰

孝景皇帝元年制詔御史蓋聞歌者所以發德舞者所以明德高廟始奏大始五行之舞

執盾

持矛

尚書舞干羽于兩階孔安國注干盾羽翳也皆舞所執下詳舞一

躡節

應度

傳毅舞賦躡節鼓陳舒意自廣游心無垠遠思長想郝默舞賦哀則痛踊有節樂則賡歌有章男則踴躍逸

豫凌厲矜莊女則委蛇詰屈窈窕幽房俯仰應規度進退合宮商

俯仰

抑揚

上詳舞一

崔駰七依表飛轂之長袖舞細腰以抑揚紛屑屑以曖曖昭灼爍而復明

千童

八佾

漢書郊祀禮歌曰千童羅舞成八佾合好交歡虞太一

鸞逝

龍婉

邊讓章華賦振弱枝

而紆統若綠縈之垂幹忽飄飄以輕遊似鸞逝于天漢
傳元却東西門行曰和樂惟有舞運體不失機退似

潛龍婉進
如翔鸞飛
超絕
殊妙
張載鞞舞賦鞞舞煥而特奏

遺武兮同數度于二八
夏侯湛鞞舞賦專奇巧于樂
府兮芭殊妙乎伶人匪繁手之末流兮乃皇世之所珍

應聲

合節

傳毅舞賦其少進也若翔若行若竦若
傾兀動赴度指顧應聲
楚辭曰展詩

兮會舞應律兮合節王逸注乃復舒展
詩曲作為雅樂合會六律以應舞節

鳳翔

鴻翥

成公綏七唱奮長袖以颺回擢纖腰以烟起鎮抗首而
委蛇颺頓足而立跼紛龍轉而鳳翔忽若倒而中止

曹植七啟曰淩躍超騰蜿蟬揮霍翻爾鴻翥
泖爾鳧沒縱輕軀以迅赴景追形而不逮

波迴

風轉

成公綏琵琶賦飛龍列舞趙女駢羅進如驚鶴轉
似迴波
傳元西都賦曰奏新聲理秘舞颺迴風

轉流采成丈修袖連娟長裾
續紛赴若翔龍降若顏雲

餘姿

逸態

傳元却東
西門行迴

目流神光傾亞有餘姿
劉卽趙都賦曰乃進夫中山
名倡襄國伎女狄鞮妙音邯鄲才舞姿絕倫之逸態實

倬然而

北里

西城

張華輕薄篇曰北里獻奇舞大
寡偶陵奏名歌新聲殊激楚妙伎絕

陽阿陸雲詩曰西城多雅舞總章
饒清彈鳴簧發丹唇朱絃繞素腕

飛輕裾

紆長

袖張載鞞舞賦手運無方足不及帶輕裾驚飛漂微渝
曳左思蜀都賦紆長袖而屢舞翩僂僂而裔裔

樂賓主

諧君臣

張衡舞賦且夫九德之歌九韶之
舞化如凱風澤譬時雨移風易俗

混一齊楚以祀則神祇來假以饗則賓主樂胥方之于
此孰者為優夏侯湛鞞舞賦在廟則格祖考在郊則

降天神納和氣于兩儀兮通克諧乎君
臣協至美于九成兮等太上乎睿文

或遲或速

若竦若傾

卞蘭許昌宮賦興七聲其遞奏觀輕捷之翩翔或遲或速乍止乍旋下詳應聲注

帝俊始陰康教

山海經帝俊八子始為舞府雜錄昔有陰康始教民舞

宣

情盡意

阮籍樂論歌以叙志舞以宣情然後文彩照之以風雅播之以八音成之以大和傳教

舞賦歌以盡言舞以盡意是以聽其聲不如察其意

四時

五行

漢書禮樂志四時舞者孝

文所作以明示天下之安和也

又云五行也

武始

咸

熙樂用武始之舞

魏志明帝紀時有司奏武皇帝撥亂反正為魏太祖又曰時有司奏文皇帝應天受命

為魏高祖樂

雲翹

白雪

魏名臣奏盧毓云漢武有雲翹育命之舞以祀天地

孫枝楚臺賦優倡獻遏雲之聲蛾眉鼓白雪之舞

蹈節

應絃

張衡七辨曳羅縠之舞衣

裊纖腰以迴翔舉長展以蹈節奮縞袖
之翩翩七收細響合節雅舞應絃

執戈縱袖

莊子孔子窮于陳蔡之間七日不食絃歌鼓琴子路佗
然執戈而舞劉楨賦朱顏睟盼彩鳳長歌手如迴雪

身如轉波縱修袖以終曲若奔星之赴河
元鶴白鳩尚書內傳奏百人樂致元鶴之舞

舞曲英拂紫塵迴雪上燕昭王事詳前觀淮南
二下詳縱袖注

起齊趙上見張衡舞賦張華云體如遊龍裾若
妙舞起齊趙悲歌出三秦

飛燕上見傅毅舞賦鳳翼逶迤飛鳧迅疾袁宏賦
下見張衡舞賦舞迴鷹

以紆袖觀佳人之玉儀曳羅裾以徘徊
為鳳翼之遠迤下見卞蘭許昌宮賦迅如孤鵠

翩如翔翳邊讓章華賦縱輕軀以迅起如孤鵠之失羣
振華袂以逶迤若龍遊之登雲孔偉七引

舞蹻鼓節
翩若翔翳

巧于絳樹
麗于陽阿

上魏文帝書詳前
一 邊讓章華臺

賦清歌傳于林谷
妙舞麗于陽阿

項伯拔劍

呂蒙持盾

史記項王
留沛公飲

范增召項莊請以劍舞因擊沛公項莊拔劍起舞項
伯亦拔劍起舞常以身翼蔽沛公下吳書詳二

趙女尤工

子頽不倦

任據麗人舞賦齊之美姜趙之
倡女既修婉而多宜尤嬋娟而

工舞左傳王子頽享五大夫樂及徧舞鄭伯聞之見
虢叔曰寡人聞之哀樂失時咎殃必至今王子頽歌舞

不倦樂

雲門祀天神

咸池祭地祇

周禮大司樂職
云乃奏黃鍾歌

大呂舞雲門以祀天神鄭注云以黃鍾之鍾大呂之聲
為均者黃鍾陽聲之首大呂為之合奏之以祀天神尊

之也又云乃奏太簇歌應鍾舞咸池以祭地祇
鄭注云太簇陽聲第一應鍾為之合咸池大咸也

器

文 勺象

禮舞者羽籥干戚樂之器也屈伸俯仰

動

容 舉足

禮舞動其容也 謂將舞必先三舉足以見將舞之漸也

俯仰

低仰

晉王導補謝尚為掾尊有勝會謂之曰聞君能作鸛鶴舞一座傾想尚便著衣憤而舞令座上擊節為應俯仰

有節旁若無人 楊惲書拂衣而起奮袖低仰

值羽

執翽

詩無冬無夏值其驚羽 又左

執翽 禮容

樂儀

周禮

正位

列行

周禮正舞位列舞行

聞

雞 闕狗

劉琨聞雞鳴而起舞 漢書平恩侯許伯入第長信少府檀長卿起舞為沐猴與狗闕司

隸蓋寬饒劾長卿以列卿而沐猴舞失禮不敬許伯為謝良久乃解

蹲蹲

傲傲

詩詳一

又曰屢舞傲傲 傲傲舞貌也

季札觀

河間獻

上詳樂總載四漢書武帝時河間

獻王好儒與毛生等共采周官及諸子言樂事者以作樂記獻八佾之舞與制氏不相遠也

干戈

象武

羽籥象文

禮春夏千戈萬舞以象武又曰秋冬學羽籥之舞所以象文

干

戚羽旄

綴兆節奏

禮動以千戚飾以羽旄又曰舞者執其千戚習其俯仰屈伸容貌

得莊焉行其綴兆要其節奏行列得正焉進退得齊焉

執籥秉翟

致右憲左

詩左手執籥右手秉翟禮憲讀為軒

白鶴曳繭

彩鸞對鏡

文選白鶴飛兮

繭曳緒言舞似之若流風之迴雪彩鸞之對鏡

長沙不迴

舒令不轉

高祖

作巴渝舞長沙王舞袖不迴舉上問之對曰臣地狹人微不足以迴轉下陶謙詳前二

蹀躞蹀躞

躑躅發揚蹈厲

舞貌下詳通典

進旅退旅

五成六成

言進

退齊一也
下詳通典

增九功

七德

唐舞名並詳前二

飛燕

驚鴻

教坊記舞者樂之器或象驚鴻或如飛燕

九終

八變

三禮義宗言樂九變者舞九終八變

者舞八終六變者舞六終終成也

品子

舞郎

玉海唐開元中趙慎言表古之舞者即諸

侯子孫故神祇降福靈光燭壇隋猶以品子為之號三舞郎願考復古道取品子年二十以下容顏修正者今

太常博士主之

唐百官志太

製圖

成字

上詳前二文

獻通考唐高宗武后作聖壽舞用百四十人金銅冠五色畫衣舞之行列必成字凡十六變而畢有聖超千古

道泰百王皇帝萬年寶祚彌昌之字

銜簪

戴竿

潛確類書南齊羊侃有伎孫荆玉能反腰

帖地銜得席上玉簪一時無對

又曰唐明皇時教坊有王大娘善戴竿舞頭戴長竿施木山狀如瀛州方丈

今小兒持絳節立其上而舞中音節時劉晏以神童召見立進一絕曰樓前百戲競爭新惟有長竿妙入神誰謂綺羅番有力猶

掌中

毬上

南齊書羊侃性喜音律自造採蓮棹歌兩

曲甚有新致儻人張靜婉腰圍一尺六寸時人咸推能掌中舞潛確類書骨塵舞于小圓毬子上縱橫騰踏

兩足不離

為壽

達歡

孔帖安樂公主出嚮天子再拜武攸暨與太平公主偶舞為帝

壽又曰古今名賢集古人飲酒皆以舞相屬古人淳質舞以達歡不必合度張燕公詩云醉後歡更好全勝

未醉時動容皆足舞出語總成詩

飛鸞

輕鳳

潛確類書寶慶二年浙東貢舞女二人飛

鸞輕鳳冬不續衣夏不汗體上琢玉芙蓉為歌舞飾歌聲若鸞鳳舞態飄逸非世所有上恐風日所侵藏之金

屋寶帳宮中曰寶帳香重重一雙玉芙蓉

八風

四表

孔帖唐博士祝欽明帝宴羣臣欽明

自言能八風舞帝許之欽明體肥醜據地搖頭眈目左
右顧盼帝大笑吏部侍郎盧藏用曰是舉五經埽地

下詳
前一
興龍
驚鶴
唐樂志凱安舞凡六變一變象興
龍參墟二變象克定關中三變象

東裔賓服四變象江淮平五變象獫狁服六變象兵還
振旅潛確類書成公綏琵琶賦飛龍列舞趙女駢羅

進如驚鶴
轉似迴波
拂水
迴波
杜甫詩拂水低迴舞袖翻
孔帖沈佺期兼修文館直學

士既侍宴詔學士等舞迴波佺期為弄辭悅帝又曰崔
日用驟拜兵部侍郎宴內殿酒酣起為迴波舞求學士

蔚跂
輕盈
杜甫觀公孫大娘弟子舞劍器壯其蔚
跂問其所師曰余公孫大娘弟子也

元耶律楚材詩舞
伎輕盈放眼光
創聲
造譜
白居易霓裳羽衣舞
歌答微之曰曲愛霓

裳未拍時由來能事皆有主楊氏創聲君
造譜注云開元中西京節度使楊敬述進
垂手
反

腰上詳前一
下詳銜簪注

剪花簪筆

續文獻通考宋樂舞十
隊四曰佳人剪牡丹衣

紅色生砌衣戴金鳳冠剪牡丹花
山堂肆考齊永明中舞人冠幘並簪筆梁武曰筆笏蓋以記事受言舞不

受言何事簪
筆于是去筆

揚氣

舒情

唐平列舞賦舞者所以激
揚其氣不樂無以調風俗

不舞無以
舒情志

鳥企

顰拊

唐平列兩階舞干羽賦或洵
湧于顰拊或翩翩于鳥企

象牛

栖鳳

續文獻通考元文舞器素二制若旌幢
高七尺杠首刻象牛首下拖朱綰蓋為

三重以導文舞
又曰武舞器旌二
其制如素杠首栖以鳳以飾武舞

綉窠

戲竹

坊教

記聖壽樂舞衣襟皆各綉一大窠皆隨其衣本色製純
綉衫下纔及帶若短汗衫者以籠之所以藏綉窠也舞
人初出樂次皆是綉衣舞至第二疊相聚場中即于衆
中從領上抽去籠衫各納懷中觀者忽見衆女咸文綉

炳煥莫不驚異 續文獻通考明宴會樂舞儀注
大樂二人執戲竹引大樂工陳列于丹陛之西

南

籥文

象箭武

左傳見舞象箭南籥者疏
曰南籥文舞象箭武舞

籥師教

司干掌

周禮春官籥師掌教國子舞
羽歛籥 又曰司干掌舞器

畫鵲鵠

飾芙

蓉

玉海唐鳥歌萬歲樂武后造舞三人緋大袖畫鵲鵠
冠 又曰龍池樂元宗所作樂舞十二人冠飾芙蓉

移風俗

表貞明

平列開元字舞賦舞者所以飾情
觀其容或以移乎風俗察其字或

以表乎

十二牀

億萬壽

玉海宋乾德中舞郎并引
舞一百五十人十二案設

貞明

檀牀十二為熊羆騰倚之狀以承其下

合璧南蠻傳

舞人十六執羽翟以四為列舞南字歌聖主無為化詔

宇歌南詔朝天樂奉字歌海宇修文化聖宇歌雨露覃

無外樂宇歌闡土丁零塞宇舞畢又舞闡四門之舞舞

終皆稽首稱臣又
人舞億萬壽之舞

端凝若植

軒舉自如

合璧馮定再還

太常少卿玄宗常詔開元霓裳羽衣舞參以雲韶隸于
庭定部諸工立縣間端凝若植又曰王翰張嘉貞為

本州長史偉其人厚遇之翰自歌
以舞屢窺嘉貞神氣軒舉自如

前出四表

後綴

八旛

太宗李靖問對詳前二

調兼吐鳳

勢若將雛

唐盧肇鸛鵒舞賦聽

式歌而調兼吐鳳觀
屢起而勢若將雛

鸞鳳比翼

茁茁爭春

又湖南觀柘枝

舞賦登妝臺而鸞鳳比
翼對寶鏡而茁茁爭春

春林動條

寒庭流雪

平列舞賦

回身若春林之動條
舉袂若寒庭之流雪

煙幕春松

風裊弱柳

見盧肇柘枝舞

賦

帽瑩隨蛇

裾翻莊蝶

又曰帽瑩隨蛇熠熠芝蘭之露裾翻莊蝶翩翩獵蕙

之風 配爻于律 叶體于風 唐白行簡舞中成八卦賦分其節于乾坤之位列其

畫于綴兆之中相彼六爻爰配數于六律俾之八體俾叶義于八風 九變無撓 五方

有序 又曰參于繇而九變無撓辨于位而五方有序 鳳轉龍翥 霞駭錦新

錢象仲舞中成八卦賦赴度應節倏鳳轉而龍翥攢青拖紫粲霞駭而錦新 仁豐道洽

功成治定 續文獻通考金熙宗皇統間定文舞曰仁豐道洽武舞曰功成治定 征伐先

武 揖讓先文 玉海宋和峴言古義以揖遜得天下者先奏文舞以征伐得天下者先奏武舞

平定天下 車書會同 續文獻通考明武舞曰平定天下之舞象以武功定禍亂

也文舞曰車書會同之舞象以文德致太平也

舞四

原鳳舞

呂氏春秋帝嚳命咸黑作為聲歌九招六列六

磬乃令人杼或鼓鞀擊鐘磬吹琴管箎因今鳳鳥天翟舞之

獸舞

尚書詳一

恒舞于

宮

書伊訓敢有恒舞于宮酣歌于室時謂巫風

旄人教舞

周禮詳後

合

禮釋菜合舞

習

月令詳一

僭舞于庭

論語孔子謂季氏八佾舞于庭是可忍也孰不

可忍也僭于上也

衣文衣

史記齊人曰孔子為政必霸則我地近我為之先併犁鋤曰請沮之

于是選齊國中女子好者八十人皆衣文衣而舞康樂

使舞幕下

穀梁傳定公十年齊人使

優舒施舞于魯君之幕下

增桑林舞

莊子庖丁解牛奏刀騞然莫不中音合于桑林之舞乃中

經首之會

原衣繡衣

五經通義先王之樂各尚其德以文得之衣繡衣持羽毛而舞

舞

列次也猶舞

舞器

羽籥之屬

盛德

劉蒼世祖祭歌議云孝武德茂作盛德之舞

昭德

又云孝文躬行節儉制昭德之舞

延年善舞

詳前

飛燕學舞

漢書外戚傳趙飛燕屬陽阿主家學歌舞成帝嘗過陽阿主作樂見飛燕而悅之召入宮大幸立為婕妤

掌上

漢趙飛燕體輕能為掌上舞

對舞繩上

漢官典職以絲繩繫兩柱相去數丈兩女

倡對舞行于繩上

將墜復舉

張衡南都賦修袖繚繞而滿庭羅襪躡蹠而容與翩綿綿其若

絕眩將墜而復舉

馬上

英雄記詳舞二

東舞

魏文帝詩云齊倡發東舞泰彈響西音

麗舞

陸機七徵云新妝起豔麗舞僊僊

殷融善舞

晉中興書殷融為司徒飲酒善

舞終日嘯詠未嘗以事務縈懷

增三起舞

江表傳孫權召顧雍父子及其孫譚飲譚時為選曹

尚書任頗貴重是日權飲極歡譚醉三起舞舞又不知止雍內惡之明日召訶責之曰君王以含垢為德臣下

以恭謹為節汝何以三舞且不復知止雖為酒後亦由恃恩損吾家者必汝也

遞進迭舉

劉劭

趙都賦云邯鄲才舞衆美駢羅遞進迭舉

雲和舞

大武舞

後魏祭天奏雲和之舞祭

地用大武之舞

覆燾舞

北齊所作以享天地之神

城舞

後周武帝平齊作永安樂行列

方正象城郭謂之城舞

帝起舞

燕王忠帝始為太子而忠生宴宮中俄而太宗臨幸詔宮臣曰

朕始有孫欲共為樂酒酣帝起舞以屬羣臣在位皆舞

高麗舞

楊再思為高麗舞

談

容娘舞

帝昵宴近臣及修文學士詔偏為伎工部尚書張錫為談容娘舞將作大匠宗晉卿為渾脫舞

左衛將軍張治為黃麋舞

按舞圖

明皇雜錄上與諸王按舞萬歲樓下命畫之謂之按舞圖

大定舞

本出破陣樂以象平遼東而邊隅大定也

聖壽舞

高后作詳舞三

光聖

舞

明皇作兼以上元聖壽之容以歌王業所興也

長壽舞

武后長壽年所製

天壽

舞

武后天壽年所製

萬歲舞

武太后所造是時宮中養鳥能人言常稱萬歲故為樂以象之

舞三人緋大袖畫鸚鵡冠作鳥像

龍池舞

明皇所作舞人服五色紗雲衣芙蓉冠無憂履四人

執蓮花以引舞一奏而五疊

小破陣樂舞

明皇造

師子舞

詳樂部

中和舞

德宗造舞因成八卦自叙其舞曰臣以仲春之首紀為令節聽政之暇韻于歌詩象中和之容

作中和之舞

六合還淳舞

詳樂部

順聖舞

詳樂部

承天舞

四人紫袍進德冠並銅帶

聖主回鑾舞

唐大定元年天后幸京師同州刺史蘇瓌進

一戎大定舞

詳樂部

神宮大樂舞

武后作

霓裳舞

唐文宗每

聽樂鄙鄭衛聲詔奉常習開元中霓裳羽衣舞以雲韶樂和之

傾盃舞

明皇教舞馬百駟分為左

右部衣以文綉絡金鈴飾其鬣間雜以珠玉其曲謂之傾盃樂凡數十疊奮首鼓尾縱橫應節又施三層板牀

乘馬而上朴轉如飛或命壯士舉榻馬舞其上樂工數十環立皆衣以淡黃衫文玉帶必求妙齡姿美者克之

宮垂二舞

宋太宗淳化三年御乾元殿復用宮垂二舞

大樂舞

遼詳舞一

以開元禮定文武舞

金熙宗皇統間命太常議文武二舞所當先後太常議按唐宋郊廟

之禮並先文後武本朝自行禘祫之禮亦然惟唐韋萬石建議謂先儒相傳以揖讓得天下則先奏文以征伐

得天下則先奏武當時雖從尋復
改之乃以開元禮先文後武為定

舞五

原詩宋南平王白紵舞曲曰僊僊徐動何盈盈玉腕俱
凝若雲行佳人舉袖曜青蛾摻摻擢手映鮮羅狀似明
月汎雲河體如輕風動流波 梁簡文帝詠舞詩曰嬌
情因曲動弱步逐風吹懸釵隨舞落飛袖拂鬟垂 又
詠舞詩曰戚里多妖麗重娉蔑燕餘逐節工新舞嬌態
似凌虛納花承襪褱垂翠逐璫舒扇開衫影亂巾度履

行疎徒勞交甫憶自有專城居 又詠舞詩曰可憐稱

二八逐節似飛鴻懸勝河陽伎聞與淮南同行看履

進轉面望鬟空腕動苔華玉衫隨如意風上客何須起

啼鳥未肯終 詠獨舞詩曰因羞強正釵顧影時迴袂

非關善留客更是嬌夫婿 劉遵應令詠舞詩曰倡女

多豔色入選盡華年舉腕嫌衫重迴腰覺態妍情繞陽

春吹影逐相思絃履度開裙襦鬢轉匝花鈿所愁餘曲

罷為欲在君前 王訓應令詠舞詩曰新妝本絕世妙

舞亦如仙傾腰逐韻管斂色聽張絃袖輕風易入釵重

步難前笑態千金動衣香十里傳將持比飛燕定當誰

可憐 楊皦詠舞詩曰紅顏自燕趙妙伎邁陽阿就行

齊逐倡赴節閣相和折腰送餘曲斂袖待新歌頻容生

舞羽曼睇出橫波雖稱趙飛燕比此詎成多 庾肩吾

詠舞詩曰飛鳧袖始拂啼鳥曲未終聊因斷續唱試託

往還風 又詠舞曲詩曰歌聲臨畫閣舞袖出芳林石

城聽若遠前溪應幾深 劉孝儀和舞詩曰迴履裾香

散飄衫釧響傳低釵依促管曼睇入繁絃 又和詩曰
轉袖隨歌發頓履赴絃餘度行過接手迴身乍斂裾

又舞就行詩曰依歌移弱步傍燭豔新妝徐來翻應節
亂去反成行 何遜詠舞詩曰逐唱迴纖手聽曲動蛾

眉日暮能留客相看詎此時 王暕詠舞詩曰從風迴

綺袖映日轉花鈿同情依促柱共影赴危絃 殷芸詠

舞詩曰斜身含遠意頓足有餘情方知難再得所以遂
傾城 何敬容詠舞詩曰因風且不顧揚袂隱雙蛾曲

終情未已含睇目增波 周庾信詠舞詩曰洞房花燭

明燕餘雙舞輕頓履隨疎節低鬟逐上聲步轉行初進
衫飄曲未成鸞迴鏡欲滿鶴顧市應傾已曾天上學詎
是世中生 陳徐陵詠舞詩曰十五屬平陽因來入建
章主家能教舞城中巧畫妝低鬟向綺席舉袖拂花黃
燭送窗邊影衫傳篋裏香當由好留客故作舞衣長

唐虞世南詠舞詩曰繁絃奏淶水長袖轉迴鸞一雙俱
應節還似鏡中看 楊師道詠舞詩曰二八如迴雪三

春類早花分行向燭轉一種逐風斜 蕭德言詠舞詩

曰低身鏘玉珮舉袖拂羅衣對簷疑鶯起映雪似花飛
增李賀拂舞歌詞曰吳娥聲絕天空雲閒徘徊門外
滿車馬亦須生綠苔樽有烏程酒勸君千萬壽全勝漢
武錦樓上曉望晴寒飲花露東方白不破天光無老時
丹成作蛇乘白霧千年重化玉井土從蛇作土二千載
吳堤綠草年年在背有八卦稱神仙邪鱗頑甲滑腥涎
溫庭筠舞衣曲曰藕腸纖縷抽輕春煙機漠漠嬌娥

嘯金梭浙瀝透空薄剪落鮫綃吹斷雲張家公子夜聞
雨夜向蘭堂思楚舞蟬衫麟帶壓愁香偷得鶯黃鎖金
縷管含蘭氣嬌女悲胡槽雪腕鴛鴦絲芙蓉力弱應難
定楊柳風多不自持迴嘯笑語西窗客星斗寥寥波脉
脉不逐秦王捲象牀滿樓明月梨花白 李益觀石將
軍舞曰微月東南上戍樓琵琶起舞錦纏頭更聞橫笛
關山遠白草胡沙西塞秋 宋孔平仲觀舞詩曰宴館
簇金絲繡茵呈舞旋雲鬟應節低蓮步隨歌轉勢多體

不犯妙絕乃習貫含笑有餘情小揖更微盼 范成大

真定舞曰紫袖當棚雪鬢凋曾隨廣樂奏雲韶老來未
忍者婆舞猶倚黃鐘袞六么 元歐陽玄和李溉之舞

姬脫鞋吟曰宮袍繡簇金花綺紅綃翠襯雙鸞尾盈盈
慣服舞腰輕綵雲飛處香風起藕絲掣斷春雲鬆瑞蓮
雙結並頭紅夭夭曲曲玉彎卷翠鳬飛去天欲輓玉階
秀茁蘭筍長瓊沙迸出蘆芽淺徘徊困倚東風力濕砌
香雲墜無跡無限嬌羞不自持君王喚起扶花立

原賦後漢傳毅舞賦曰楚襄王既遊雲夢將置酒宴飲
謂宋玉曰寡人欲觴羣臣何以娛之玉曰臣聞激楚結
風陽阿之舞材人之窮觀天下之至妙噫可進乎王曰
試為寡人賦之玉曰唯唯鄭女並進二八徐侍姣服極
麗姁姁致態貌嫵妙以妖冶紅顏曄其揚華睂嬋娟以
增繞目流睇而橫波珠翠的皪而照耀華袿飛髻而雜
纖羅顧形影自整裝順微風揮若芳動朱脣紆清揚亢
音高歌為樂之方其始興也若俯若仰若來若往雍容

惆悵不可為象羅衣從風長袖交橫駱驛飛散颯還合
并綽約閑靡機迅體輕於是合場遞進案次而俟埒材
角妙夸容乃理軼態橫出現姿譎起迴身還入迫於急
節紆形赴遠灌似摧折纖縠蛾飛紛焱若絕體如游龍
袖如素蛺遷延微笑退復次列觀者稱麗莫不怡悅
張衡舞賦曰昔客有觀舞于淮南者美而賦之曰音樂
陳兮旨酒施擊靈鼓兮吹參差叛淫衍兮漫陸離於是
飲者皆醉日亦既是美人興而將舞乃修容而改襲服

羅縠之雜錯申綢繆以自飾拊者啾其齊列盤鼓煥以
駢羅抗修袖以翳面兮展清聲而長歌歌曰驚雄逝兮
孤雌翔臨歸風兮思故鄉搦纖腰而互折嬛傾倚兮低
昂增芙蓉之紅花兮光的皪以發揚騰嫖目以顧盼眸
爛爛以流光連翩駱驛乍續乍絕裾似飛燕袖如迴雪
於是粉黛施兮玉質粲珠簪挺兮緇髮亂然後整筭攬
髮被纖垂縈同服駢奏合體齊聲進退無差若影追形
梁簡文帝舞賦曰酌蒲桃坐柘觀命妙舞徵清彈朮

髮初筭參差俱集信身輕而釵重亦腰羸而帶急響玉
砌而遲前度金扉而斜入似斷霞之照彩若飛鸞之相
及既相看而綿視亦含姿而俱立於是徐鳴嬌節薄動
輕金奏巴渝之麗曲唱碣石之清音扇纔移而動步鞞
輕宣而遂吟爾乃優遊客與顧盼徘徊強紆顏而未笑
乍雜怨而成猜或低昂而失侶乃歸飛而相附或前異
而始同乍初離而後赴不遲不疾若輕若重盼鼓微吟
迴巾自擁髮亂難持簪低易捧牽情恃恩懷嬌妬寵

陳顧野王舞影賦曰耀金波兮繡戶列銀燭兮蘭房出
妙舞於仙殿唱雅韻於清商頓珠履於瓊簾影嬌態於
雕梁圖長袖於粉壁寫纖腰於華堂縈紆雙轉芬馥一
房類隻鸞於合鏡似雙鴛之共翔愁冬宵之尚短欣此
樂之方長 謝偃觀舞賦曰羅薦周設黼帳高舒霧凝
珠網風清玉除煙浮暉於緹幕燭籠光於綺疏爾乃咀
清哇揚激徵金石奏絲桐理竒調間發新聲互起促宴
洽而忘疲歡情暢而未已於是燕餘齊列絳樹分行曳

綃裾兮拖瑤珮簪羽釵兮珥鳴璫擢纖腰之孤立若卷
旌之未揚紆移袂而將舉似驚鴻之欲翔退不失倫進
不踰曲流而不滯急而不促絃無差袖聲必應足香散
飛巾光流轉玉若乃巴姬並進鄭女俱前對席齊舉分
庭共旋乍差池以燕接又颺沓而鳧連止有餘態動無
遺妍似兩豔之同發類雙花之偶然進止合度俯仰如
一節緩則顧遲唱遠則迴疾殊姿異制不可殫悉若夫
金翠的皪綃綺參差方趨應矩圓步中規飛鉛雪落頰

鬢雲垂舒類飛霞曳清漢屈若垂柳縈華池既而曲變
終雅奏闕清角止流商絕頓華履以自持整文袿而竚
節始綽約而迴步乃遷延而就列 增唐平列舞賦曰

燕姬撫琴秦女吹笙楚妃歌防露之曲陳后唱結風之
聲則有楚媛巴兒齊童鄭女躡凌波之緩步曳飛蟬之
薄縷掩長袖以徐吟頓纖腰而起舞低鳳鬟於綺席聽
鸞歌於促柱燭若芙蓉折波而湧出婉若鴻鵠凌雲而
欲舉其為體也似流風迴雪而相應其為勢也似野鶴

山雞而對鏡總衆麗以為資集羣眸而動詠觀其躡影
赴節體若摧折將欲來而不進既似去而復輟乃其指
顧彷徨神氣激昂作之者不知其所觀之者恍若有亡
又開元字舞賦曰雷轉風旋應鼉鼓以赴節鸞迴鶴
舉循鳥跡以成文周瑜之顧不作蒼頡之字爰分竦萬
方之壯觀邈千古之未聞其漸也左之右之以引以翼
整神容而裔裔被威儀而抑抑煙霏桃李對玉顏而共
春日照晴霓間羅衣而一色霧縠從風宛若驚鴻匿跡

于徃來之際更衣于倏忽之中始紆朱而曳紫旋布綠
而攢紅傳仲之詞徒欲歌其俯仰離婁之目曾未識其
變通懿夫乍續乍絕將超復發啟皓齒以吟風騰星眸
而吐月搖動赴度或亂止以成行指顧應聲乃徐行而
順節 又兩階舞干羽賦曰日麗黃道帝臨丹墀鼓靈
鼉兮旂翠鳳登舞童而詔樂師兩階儼然而八佾舞之
顧步而動兮成文在茲肅穆壯成舒遲靜謐周旋乎東
向西向行列乎左城右城然後叶順氣繼和聲驚精而

白日重貫造物而鴻爐再成 張存則舞中成八卦賦
曰體利貞而疾徐有度法行健而循環不窮數行而剛
柔匪雜綴短而明德將融初配六以迴旋狀馬行于北
及變三而成列知龍化其中信乾坤之簡易應金石之
變通于是步日而前因風而舉乘飄颻而婆娑雜沓映
照燭而長短合序既順之而不却亦明之而有所則離
巽之不差豈進退之無旅則有應水之理象木之規疊
若奔溜散如繁絲五色相宣謂神龜初負八音咸奏知

靈鳳來儀震也坎也何斯違斯既以悅隨企其遵令象
山而乍結乍凝依澤而若游若泳狀巍巍之德仰之彌
高節蕩蕩之音于斯為盛是知艮兌之為美故必隨而
不競是故聖人窮樂之變作舞惟新惟知來而藏往故
有要而有倫非干戚之前設若鈞天之所陳至若卿雲
共臨瑞日同霽乍離乍合若翔若滯隨方辨色非前代
之舊章應節成文實我唐之新製 盧肇湖南觀雙柘
枝舞賦曰佳人乃整金蟬收玉燕襲舞衫突舞弁珠彩

熒煌鈴光炫轉外寶帶以連玉中丹裾而疊背則有擎
鑑逶迤瓊瑰四垂韡瑞錦以雲匝袍蹙金而雁歌將朝
將翔惟鴛惟鴛稍隨緩節步出東廂始再拜以離立俄
側身而相望突如其來翼爾而進每當節而必改乍慘
舒而復振驚顧兮若嚴進退兮若慎或迎兮如流即避
兮如恹傍睨兮如慵俛視兮如引縹緲兮翔風婉轉兮
游龍相邇兮如借相遠兮如謝忽抗足而相趾復和容
而若謝勢雖窘于趨速態終守乎閑暇輕攢翠娥稍拂

香汗暫爾安逸復騁陵亂抽軋軋于蕙心耀纖纖之玉
腕躊躇曠望若戀虞以南馳俯僂迴旋非為劉而左袒
拾華袿以雙舉露輕裾之一半花灼灼鼓逢逢來復來
兮飛燕去復去兮驚鴻善睐睢盱偃師之招周妓輕軀
動蕩蔡姬之警齊公既多妙以多能亦再羞而再顧鼓
絕而曲既終倏雲朝而雨暮又鸚鵡舞賦曰謝尚以
小節不拘曲藝可俯顧狎鴛鴦之侶因為鸚鵡之舞伊
昔王導延為上賓陪謁者讓登之處遇羣賢式燕之晨

導曰久慕德音衆皆傾想公乃正色洋洋若欲飛翔避
席俯偃摳衣頡頏宛修襟而乍疑雌伏赴繁節而忽若
鷹揚由是見多能之妙出萬舞之傍若乃三歎未終五
音鏗作頷若燕而感頓德如毛而矍鑠衆客振衣而跂
望滿堂擊節而稱樂且喤喤之奏未終而洩洩之容自
若錢起千秋節勤政樓下觀舞馬賦曰陳金石儼簪
裾廣場天近彩仗晴初有馭有驕有驕有驕有驕有驕
花明露餘忽兮龍踞愕爾鴻翻頓纓而電落朱鬣驤首

而星流白顛動容合雅度曲遺妍盡庶能于意外期一
顧于君前

御定淵鑑類函卷一百八十六

欽定四庫全書

御定淵鑑類函卷一百八十七

樂部四

女樂
雜戲

淫樂
四商樂

倡樂

女樂

增詩曰窈窕淑女鐘鼓樂之

隋高祖嘗謂羣臣曰自古天子有女樂乎楊素以莫

知所出遂言無房暉遠進曰臣聞窈窕淑女鐘鼓樂之此即王者房中之樂著於雅頌不得言無高祖大悅

新羅傳貞觀五年獻女樂太宗曰比林邑獻鸚鵡

言思鄉乞還況於人乎付使者歸之韓子曰晉獻公

欲伐號乃遺之屈產之乘垂棘之璧女樂二八以熒其
心亂其政 唐六典曰五品已上女樂不得過三人

教坊記曰伎女入宜春院謂之內人亦曰前頭人常在
上前也 又曰樓下戲出隊宜春院人少即以雲韶添
之雲韶謂之宮人蓋賤隸也非直美惡貌殊佩裾居然
易辨內人帶魚宮人則否平人女以容色選入內者教
習琵琶三絃箏篪箏等謂搗彈家 宋俞琰席上腐談
曰嚮見官妓舞柘枝戴一紅物體長而頭尖儼如角形

想即是今之罽姑也瑣碎錄云柘枝舞本北魏拓拔之名易拓為柘易拔為枝續文獻通考曰遼聖宗統和間高麗進妓樂却之又曰元立教坊司掌天下妓樂有駕前承應

女樂二

原齊歸

鄭賂

論語齊人歸女樂李桓子受之三日不朝孔子行左傳鄭人賂晉侯以女樂

二八晉侯以樂之半賜魏絳

吹笛

造歌

上見下笛二楚辭有蓋未通女樂羅陳鐘按

鼓造

東舞

南歌

上見上舞四張衡南都賦坐南歌兮起鄭舞白鶴飛兮蘭曳緒

趙舞 燕歌

張華上巳篇妙舞起齊趙悲歌出三秦
魏文帝燕歌行別日何易會日難山

川悠遠浮漫漫鬱陶思君
未敢言寄聲浮雲往不還

清歌

妙舞

晉夏侯氏傳
曰統從父家

女巫章丹陳珠二人妍姿
洽媚清歌妙舞狀若飛仙

遺戎王

奏銅雀

墨子秦
繆公之

時戎強繆公遺之女樂二八戎王大喜數飲宴日夜不
休左右有言秦寇至者因彎弓而射之秦寇果至戎王
醉而卧於尊下卒生
縛之下見上弔四

列馬融

賜夏侯

後漢馬融常
坐高堂施絳

帳前授生徒後列女樂
惇從征孫權還賜妓樂名倡

夏侯

東山妓

西巴唱

子郭

云謝公在東山畜妓每遊山常以妓樂相隨簡文曰安
石必出與人同樂亦不得不與人同憂
張華輕薄篇

美女興齊趙妍唱出西巴
一顧城國傾千金寧足多

蔡謨去

楊阜出

世說王
導作女

伎蔡謨在坐不悅而去導知之亦不止魏志楊阜為武都太守會馬超來寇曹洪禦之超退洪置酒大會令女伎著羅縠衣蹋鼓一座皆笑楊阜厲聲責洪曰男女有別云云遂奮衣出洪立罷女樂請阜還一座肅然憚

之襄國伎女碧玉名倡劉劭趙都賦中山名倡襄國妓女樂府歌名倡劉

碧玉張禹絲竹石崇金翠張禹奢淫後堂理絲竹石崇後房數百皆曳紈繡

珥金翠絲竹田蚡後房司馬伎堂漢田蚡前堂羅鐘鼓立曲旃後

房婦女以百數俗說司馬郎君時貴好作伎堂然香煙熏之屋為之黑秦穆遺戎而由

余去齊人歸魯而孔子行增拋球執扇續文獻通考宋

女弟子隊凡一百五十三人其三曰拋球樂隊衣四色繡羅寬衫繫銀帶棒繡球元史壽星隊第九隊婦女

三十人冠玉女冠翠花鈿服黃銷金寬袖
衣加雲肩霞綬玉佩各執機毛日月扇舞

清怨 搗

彈文獻通考唐宣宗音律特妙每將錫宴必裁新曲俾
禁中女伶衣珠翠綵繡分行列隊連袂而歌其聲清

怨不類人間
下教坊記詳一

帶魚 賞卯

郭元振落梅妝閣有婢
上教坊記詳一 孔帖

數十人客至則拖駕耆纈裙供一曲終則
賞糖雞卵明其聲也宴罷散九和握香

紫雲 仙

鶯宋洪遂侍兒小名鈿崔紫雲兵部李尚書樂妓李公
尹東洛時家妓盛列諸府有宴臺官不與杜牧時為

分司御史遇公有宴故留南行一位待之為訪諸妓併
歸北行三重而坐宴將醉牧輕騎而來連飲三觥顧北

行回顧主人曰嘗聞有能篇詠紫雲者今日方知名不
虛得仙垂一惠無以加焉諸妓皆回頭掩笑杜作詩曰

華堂今日綺筵開誰喚分司御史來忽發狂言驚滿座
兩行紅粉一時回遂升車彈鞚而歸李公尋以紫雲贈

之 又曰唐監察御史清河張佶侍兒仙鵲
能歌舞解書翰佶常出使以仙鵲充使典 內人

長入

以上詳一教坊記諸家散樂

賈曾諫

昭達設

孔帖賈曾為太子舍人太子數遣使采女樂就率更寺
隸習曾諫止 陳書章昭達每飲會必盛設女伎音律

姿態並一時之妙
雖臨敵弗之廢也

獻八人

賜二部

孔帖韓全義其子獻女樂八人

帝不納曰我方以儉治天下惡用是為 又曰
河間元王孝恭賜女樂二部後房歌舞伎百餘 前頭

人 女弟子

上教坊記詳一文獻通考宋有女弟子隊

右善歌 左工

舞

教坊記西京右教坊在光宅坊左教坊在延政坊石多善歌左多工舞蓋相因習

宜春院

彩雲仙

上詳一文獻通考宋女弟子隊第九隊曰彩雲仙隊

開元獻 統

和進玉海唐古勒敦傳開元中王吉哩帕爾獻女樂下遼聖宗詳前一遠望雲近視

雪晉夏統別傳西施之孫鄭袖之子攜手交舞流盼頰頰赴急絃而折倒應緩節以相羊遠望而雲近視而

雪舒紅顏而微笑遙集願賜楊素無言上詳見笛二下詳

前貞元遣歸乾道不用上詳一宋乾道後不置教坊文獻通考玉

堂畢奏高閣羅陳賈谷筆談元姚燧為承旨一日玉堂宴集聲伎畢奏有真真者操南

音公疑而問之泣對曰妾建寧人西山之苗裔也父司莞庫於濟寧坐盜用官財賣妾以償逆流落倡家公憫

之遣使白丞相三寶努為落籍且謂翰林屬官王棣曰汝無妻以此女配汝吾即其父也貨妝皆出於公棣後

官至翰林待制鄴中記石虎大會禮樂既陳於閣上作女妓數百衣皆絡以珠璣樂則備於

伶人 禮可嬪於君子 二肆未陳於縮雷 一部且

列於西房

並唐李仲云
四品女樂判

女樂三

原詩宋孝武帝夜聽妓詩曰寒夜起聲管促席引靈寄
深心屬悲絃遠情逐流吹勞衿憑若辰誰謂懷忘易

梁簡文帝聽夜妓詩曰合歡蠲忿葉萱草忘憂條何如
明月夜流風拂舞腰朱脣隨吹盡玉釧逐絃搖留賓惜
殘弄負態動餘嬌 元帝春夜看妓詩曰蛾月漸成光

燕姬戲小堂胡舞開春閣鈴盤出步廊起龍調節奏却

鳳點笙簧樹交臨舞席荷生夾妓航竹密無分影花疎

有異香舉杯聊轉笑

一作促杯
特笑語

歡茲樂未央

又和林

下作妓應令詩曰日斜下北閣高宴出南榮歌清隨澗

響舞影向池生輕花亂粉色風篠雜絃聲獨念陽臺下

願待洛川笙

昭明太子林下作妓詩曰炎光向夕斂

徒宴臨前池泉將影相得花與面相宜箎聲如鳥嘒舞

袖寫風枝歡樂不知醉千秋長若斯何遜詠妓詩曰

管隨羅薦合絃驚雪袖遲逐唱迴纖手聽曲動蛾眉凝
情眄墮珥微睇記含辭日暮留佳客相看愛此時 沈
約樂將殫恩未已應詔詩曰淒鏘笙管道參差舞行亂
輕肩既屢舉長巾亦徐換雲鬢垂寶花輕妝染微汗羣
臣醉又飽聖恩猶未半 劉孝綽同武陵王看妓詩曰
燕姬奏妙舞鄭女發清歌迴羞出曼臉送態表嚬蛾寧
殊遇行雨詎減見淩波想君愁日落應羨魯陽戈 後
梁沈君攸待夜出妓詩曰簾間月色度燭定妓成行迴

身釧玉動頓履佩珠鳴低衫拂鬟影舉扇起歌聲匣中
曲猶奏掌上體應輕 陳李元操訓蕭侍中春園聽妓

詩曰微雨散芳菲中園照落暉紅樹搖歌扇綠珠飄舞
衣繁絃調對酒雜引動思歸愁人當此夕羞見落花飛
陳子良賦得妓詩曰金谷多歡宴嘉麗盡芳菲流雲

席上轉迴雪掌中飛明月臨歌扇行雲接舞衣何必桃
將李別有代春暉 劉刪侯司空第山園詠妓詩曰石
家金谷妓妝罷出蘭闥看花爭欲笑聞瑟似能啼山邊

歌落日池上舞前溪將人當桃李無處不成蹊 陰鏗
侯司空第山園詠妓詩曰佳人徧綺席妙曲動鶻絃樓
似陽臺上池如洛水邊鶯啼歌扇後花落舞衫前翠柳
將斜日俱照晚妝鮮 蕭琳隔壁聽妓詩曰徒聞絃管

切不見舞腰迴唯有歌梁共塵飛一半來 隋盧思道

夜聞鄰妓詩曰娼樓對三道吹臺臨九重笙隨山上鶴
笛奏水中龍怨歌聲易斷妙舞態難逢誰能暫留客解
珮一相從 弘執恭和平涼公觀趙郡王妓詩曰小堂

羅薦陳妙妓命燕秦蛾眉疑假黛紅臉自含春合舞俱
回雪分歌共落塵齊竽不可廁空願上龍津 江總和
衡陽殿下高樓看妓詩曰起樓侵碧漢初日照紅妝絃
心豔卓女曲誤動周郎並歌時轉黛息舞暫分香挂纓
銀燭下莫笑玉釵長 虞茂衡陽王齋閣奏妓詩曰金
溝低御道玉管正吟風拾翠天津上迴鸞鳥路中鏡前
看月近歌處覺塵空今宵織女見言是望仙宮 釋法
宣和趙郡王觀妓應教詩曰桂山留上客蘭室命姪妖

城中畫眉黛宮內束纖腰舞袖風前舉歌聲扇後驕周
郎不相顧今日管絃調 北周庾信看妓詩曰綠珠歌
扇薄飛燕舞衫長琴曲隨流水簫聲逐鳳凰細縷纏鐘
格圓花釘鼓牀懸知曲不誤無事顧周郎 又看妓詩
曰長思浣紗石空憶擣衣砧臨卽若有便為說解琴心
北齊蕭放冬夜對妓詩曰佳麗盡時年合暝不能眠
銀龍銜燭燼金鳳起爐煙吹箎先弄曲調箏更撮絃歌
還團扇後舞出妓行前絕代終難及誰復數神仙 唐

王勣詠妓詩曰妖姬飾靚妝窈窕出蘭房日照當軒影
風吹滿路香早時歌扇薄今日舞衫長不應令曲誤持
此試周郎 增唐盧照鄰益州城西觀妓詩曰落日明
歌席行雲逐舞人江前飛暮雨梁上下輕塵冶服看疑
畫妝臺望似春高車勿遽返長袖欲相親 又辛法司
宅觀妓曰南國佳人至北堂羅薦開長裙隨鳳管促柱
送鸞杯雲光身後落雪態掌中回到愁金谷晚不怪玉
山頽 張諤觀妓詠和舞詩曰半額畫雙蛾盈盈燭下

歌玉杯寒意少金屋夜情多香豔王分帖裙嬌勅賜羅

平陽莫相妬喚出不如他萬楚五日觀妓詩曰西施

謾道浣春紗碧玉今時關麗華睂黛奪將萱草色紅裙

妬殺石榴花新歌一曲令人豔醉舞雙眸斂鬢斜誰道

五絲能續命却令今日死君家李白在水軍宴韋司

馬樓船觀妓詩曰搖曳帆在空清流順歸風詩因鼓吹

發酒為劒歌雄對舞青樓妓雙鬟白玉童行雲且莫去

留醉楚王宮又邯鄲南亭觀妓詩曰歌妓燕趙兒魏

姝弄鳴絲粉豔爍月彩舞衫拂花枝把酒顧美人請歌
邯鄲詞清箏何繚繞度曲綠雲垂平原君安在科斗生
古池座客三千人於今知有誰我輩不作樂但為後代
悲 又攜妓登梁王棲霞山蓋氏桃園中詩曰碧草已
滿地柳與梅爭春謝公自有東山妓金屏笑坐如花人
今日非昨日明日還復來白髮對綠酒強歌心自摧君
不見梁王池上月昔照梁王樽酒中梁王已去明月在
黃鸝愁醉啼春風分明感激眼前事莫惜醉卧桃園中

又出妓金陵子呈盧六詩曰安石東山三十春傲然

攜妓出風塵樓中見我金陵子何似陽臺雲雨人 又

曰南國新豐酒東山小妓歌對君君不樂花月奈愁何

常非月詠談容娘詩曰舉手整花鈿翻身舞錦筵馬

圍行處匝人簇看場圓歌索齊聲和情教細語傳不知

心大小容得許多憐 崔顥岐王席觀妓詩曰二月春

來半王家日漸長柳垂金屋暖花發玉樓香拂匣先臨

鏡調笙更炙簧長將歌舞態只擬奉君王 劉長卿陪

辛大夫西亭宴觀妓詩曰歌舞憐遲日旌麾映早春鶯

窺隴西將花對洛陽人醉罷知何事恩深戀此身任他

行雨去歸路裊輕塵 張謂揚州雨中張十七宅觀妓

詩曰夜色帶春煙燈花拂更然殘妝添石黛豔舞落金

鈿掩笑頻歌扇迎歌乍動絃不知巫峽雨何事海西邊

張祜周負外出雙舞柘枝妓詩曰畫鼓拖環錦臂攘

小娥雙換舞衣裳金絲簇霧紅衫薄銀蔓垂花紫帶長

鸞影乍迴頭並舉鳳聲初歇翅齊張一時折腕招殘拍

斜斂輕身拜玉郎 元稹易戲調月心詩曰扣門載酒
可容來懷抱相看得好開祇恐彭宣驚女樂後堂絲竹
一時迴

增賦唐呂溫齊人歸女樂賦曰齊人歸魯傾城八人瑰
豔絕代綺羅嬌春洞橫波於慢臉回流風於嫋身蓋以
仲尼定禮樂制君臣故遏雲與迴雪實內圖而外親魯
君臣果不端操迷不先覺於是考雷鼓黜雲幄結齊魯
之歡受鄭衛之樂

淫樂一

增樂記曰宋音燕女溺志衛音趨數煩志齊音傲僻驕志鄭音好濫淫志此四者皆淫於色而害於德是以祭祀不用也 左傳曰煩手淫聲惱堙心耳乃忘和平謂

之鄭聲 五經通義曰鄭國有溱洧之水男女會聚謳歌相感今鄭詩二十一篇說婦人者十九故鄭聲淫也

國語曰平公既作新聲

新聲師消所聽者也

師曠曰公室其將

卑乎君之萌兆衰矣 淮南子曰揚鄭衛之浩樂結激

楚之遺風此齊人之所以淫佚流湏也 唐俗部樂二

十八調七宮七商七角七羽皆從濁至清迭更其聲下
則益濁上則益清慢者過節急者流蕩 宋中興四朝
樂志敘曰國朝初置教坊得江南樂已汰其坐部不用
承平因舊典創新聲轉加流麗政和間詔以大晟樂頒
之教坊樂府奏言樂之諸宮調多不正皆俚俗所傳及
命劉昺輯燕樂新書亦惟以八十四調為宗非復雅音
而曲燕昵狎至有援君臣相悅之說以藉口者末俗漸

靡之弊愈不容言矣 續文獻通考宋元以來教坊之

樂有院本有雜劇有爨弄有女舞淫聲奇器備矣

淫樂二

原好俗 聽新 孟子莊暴見齊王曰寡人非能好先王

曰聽鄭衛之音則不知倦詳樂總載 亂雅 害德 論語惡鄭聲之亂雅

鄭淫 宋溺 上五經通義詳 楚巫 齊傲 呂氏春秋楚之

哀也作為巫音高誘注曰 流鄭 激楚 桓譚新論夫

男曰現女曰巫 下詳一 如阿房之宮不琢之椽不如磨礱之桷玄酒不如 桑

間北里

禮桑間濮上亡國之音也

古艶

正容

騁伎

崔琦七蠲伎人正容就列從行三聲二變激楚溢張衡西京賦祕舞更秦妙材騁伎妖蠱艷夫

夏姬美聲暢於虞氏始徐進而羸形似不任乎羅綺嚼清商而却轉增嬋娟以跣旁

聲淫則放

樂勝則流

樂之失奢聲淫則放又放鄭聲樂記流放也

書稱罔淫禮

云無赦

書罔淫於樂淫聲以疑衆殺無赦禮作

聞既異於在齊聲宜

從於放鄭

姦聲亂色不留聰明

淫樂慝禮不接心

術魏侯之聽鄭聲悅而無倦桓子之受齊樂荒而

不明

增吳趨

楚舞

宋畧周道衰微失其序次先之以怨怒後之以哀思優雜子女

蕩悅淫心充庭廣奏則以魚龍靡曼為
陳肆會同享觀則以吳趨楚舞為妖妍

汙惑 妖妍

唐元結篋中集序與歌兒舞女生
汙惑之聲於私室 下詳楚舞注

至音 邪鄭 呂氏春秋

楚之哀也作為至音高誘注曰男曰雞女曰
宋書元徽五年太樂邪鄭共千有餘人

按舞

借襦

續文獻通考元順帝選宮女一十六人按舞名天
孔帖唐孫伏伽言近太常假民裾襦五百

稱以衣妓工待立武遊戲
臣以為非詒子孫之謀

咸萃

在奏

隋書隋文帝時括天下周

齊梁陳樂家子弟皆為樂戶是後異伎淫聲咸萃樂府
皆置博士弟子 唐韋述加蓬議韶濩可息而瑩篴笙

笛皆在奏矣或興於近代或出
於蕃裔入耳之娛則本無象

王曾對 廷珪戒 文獻

通考宋仁宗嘗問輔臣以今古樂之異同王曾對曰古
樂用於天地宗廟社稷山川鬼神今樂不然徒娛人耳

目蕩人心志 又曰唐元宗選樂工數百人自教法曲
於梨園謂之皇帝梨園弟子又教宮女使習之選伎女
置宜春院給賜其家禮部侍郎
張廷珪上疏深以鄭聲為戒 貞元增 承安減續

獻通考金貞元中增置教坊人數 又承安中
減教坊長行五十人渤海教坊長行三十人 教坊

二十 梨園三百 陳氏樂書唐全盛時內外教
坊近及二千員梨園三百員 玩心

儲神 連日抵暮 宋胡致堂曰唐玄宗置教坊盛選宮
女以實之玩心儲神 文獻通考唐

宣宗裁新曲數十往往流傳民間錫宴宰輔百辟
至於連日抵暮是不知詩人在宗載考之意也 聞

雞制曲 獲鶯奏樂 又曰宋太宗時殿前都虞候崔翰
常侍大宴聞雞唱因問伶官蔣茂

多曰此可被管絃乎茂多因依其聲制曲曰雞叫子
續文獻通考遼春飛放杏堦皇帝射獲頭鶯薦廟宴飲

樂工數十餘人
執小樂器侑酒

俚俗所傳 哀聲為偽

上詳一續
文獻通考唐

裴耀卿守宣州燕飲歌南陔六詩聽
者感泣蓋借俗樂哀聲以為偽爾

非復雅音 更

為豔詞

上詳一
源於雅樂

續文獻通考大抵俗部諸曲悉
後失其傳而更為妖聲豔詞耳

異

曲新聲

匪韶匪夏

孔帖唐武平一上書異曲新聲哀
思淫溺又曰孫伏伽上言今散

伎者匪韶匪夏請
並廢之以復雅正

均調間譙樂之聲

音器襲龜茲

之陋

陳氏
樂書

倡優一

增史記曰秦昭王臨朝歎息應侯進曰臣聞主憂臣辱

主辱臣死今王中朝而憂臣敢請其罪王曰吾聞楚之
鐵劍利而倡優拙夫鐵劍利則士勇倡優拙則思慮遠
夫以遠思慮而御勇士恐楚國之圖秦也 春秋元命

苞曰翼星主南宮之羽儀文物聲明之所豐茂為天倡
先王以賓於四門而列天庭之衛主俳倡近太微而尊
文獻通考曰唐玄宗以太常禮樂之司不應典倡優
雜伎乃更置左右教坊以教俗樂 陳氏樂書曰宋朝
優伶常舞大曲惟一工獨進但以手袖為容跅足為節

其妙串者雖風旋鳥騫不踰其速矣 續文獻通考曰
遼之散樂俳優歌舞雜進往往有漢樂府之遺聲因晉
天福三年遣劉煦以伶官來歸遂有此樂 金熙宗皇
統中宰臣奏自古並無伶人赴朝參之例所有教坊人
員宜聽候宣喚不合同百僚赴起居從之

倡優二

原翼主

鮮先

上春秋元命苞詳一
下見上樂總二

魯幕

秦帷

梁敕

傳定公十一年夾谷會齊人使優施舞於魯君之幕下
孔子曰笑君者罪當死使司馬行法焉 劉向說苑秦

始皇既兼天下興驪山之役銅三泉之底闢中建離宮四百所皆有鐘磬帷帳婦人優倡

歌容

舞態

漢書哀有哭踊之節樂有歌舞之容正人足以副其成邪人足以防其失

鼓無定節尋聲響應修短靡跌

倡著假面

士觀釋甲

漢哀帝詔冬至夏至置酒

陳前殿房中不應經法常從象倡三十人常從象四人皆鄭聲可罷注象譯人也若今戲假師子著假面也

陳氏鮑氏之圉人為優士皆釋中飲酒且觀優至魚里

名倡祕舞

材童妙妓

王粲七釋邯鄲材女三齊巧士名倡祕舞承閑並理傳元西都賦乃有材童妙妓都盧迅足緣修竿而上下形既變而景屬忽垂身而倒絕若將墮而復續

笑言合道

應節有方

史記優旃

者秦倡侏儒也善為笑言然合於大道秦始皇時置酒而天雨陛楸皆沾寒優旃見而哀之謂之曰汝欲休乎

陸楮者皆曰幸甚優旃曰我即呼汝汝疾應曰諾居有頃殿上上壽呼萬歲優旃臨檻大呼曰陸楮郎郎曰諾優旃曰汝雖長何益幸而立我雖短也幸休居於是始皇使陸楮者得半相代始皇嘗議欲大苑囿東至函谷關西至雍陳倉優旃曰善多縱禽獸於其中寇從東方來令麋鹿觸之足矣始皇以故輟之二世立又欲漆其城優旃曰善主上雖無言臣固將請之漆城雖於百姓愁費然佳哉漆城蕩蕩冠來不能上即欲就之易為漆耳顧難為陸室於是二世笑之以其故止崔琦增七蠲小語大笑應節有方衆戲並進耀目繞梁

參軍

假婦

大獻通考後漢館陶令石聘有賊犯和帝惜其材免罪每遇宴樂即令衣白夾衫命

優伶弄辱之謂之參軍所以誠也又曰唐大中以來孫乾飯劉瑀瓶郭外春孫有態善為此戲僖宗幸蜀時戲中有劉真者尤能之後隨車駕入都籍於教坊

諧臣

顓官

唐元結時議諧臣顓官怡

愉天顏一作
諧臣戲官

崔公

蜺斗

教坊記諸家散樂呼天子
為崔公以歡喜為蜺斗

尉長安

授長史

孔帖唐李栖筠華原尉侯莫憺
以優補長安尉當參臺栖筠物色

其勞憊色動不能對乃自言為徐浩杜濟薛邕所引非
真優也又曰樂工尉遲璋授光州長史竇洵封還詔

書

禁戲帝王不令參謁

續文獻通考金章宗明昌
中禁伶人不得以歷代帝

王為戲及稱萬歲者以
不應為罪下詳前一

標弄百端

詆諧千言

教坊
記黃

繙緙見兩院人有肥大年長者即呼為屈突干阿姑隨
類名之標弄百端孔帖陸羽為優人作詆諧數千言

倡優三

增狎優

左傳宋華弱與樂轡少相狎長
相優又相謗也注優調戲也

優倡起

管于
姦人

在上賢者不進則侏儒優倡起而議國事

原侏儒戲前

家語魯定公與齊侯會于夾谷孔子

攝相事奏宮中之樂俳優侏儒戲於前孔子趨進厯階而上不盡一等曰匹夫癡惑諸侯者罪應誅於是斬侏儒侏儒手足異處齊侯懼有慙色

俳優在前

說苑雍門周說孟嘗君曰今君俳優在前諂諛侍側

秦王累千

又云秦皇帝婦女連百倡優累千

增衛君貴優

賈誼曰衛君貴

優而輕大臣羣臣或諫則面而叱之

原安陵五千

漢書孝惠帝葬安陵徙關東倡優五千以

為陵戶

自悔類倡

漢書枚臯自言為賦不如相如又言為賦乃俳見視如倡自悔類倡也

本以倡進

又云漢武帝李夫人本以倡進

幸倡

又云幸倡郭舍人滑稽不窮

常從前殿

漢哀帝詔詳前假面注

倡優在側

曹曄傳太祖為人佻易無威重好音

樂倡優在側常以日達夕被服輕綃身自佩小鞶囊以
盛手中細物時或冠幘帽以見賓客每與人談論戲弄
言誦盡無所隱及歡悅大笑至以頭沒杯
中案中有饌皆沾沴巾憤其輕易如此
著羅縠

魏志

曹洪令女倡
著羅縠之衣

陳于璿房

陸機七徵施筍簾式絳竹名
倡陳于璿房遞響薄乎華屋

名倡材舞

傅元朝會賦乃有海西名倡齊
東材舞手無靡音足不徒跼

燕倡越

舞

袁淮招公子燕倡越舞齊
商歌五色紛華曳綺羅

著單衣

趙書石勒參軍
周延為館陶令

斷官絹數百疋下獄以八議宥之後每大會使俳優著
介憤黃絹單衣優問延何官在我輩中曰我本為館陶
令故入汝輩
增諸王多習
孔帖唐咸通中諸
王多習音聲優倡

大堤

倡

韓愈詩曰花
豔大堤倡

減罷伶官

五代史唐明宗自
初即位減罷伶官

酒家

倡

又曰史弘肇妻本酒家倡

間以俳優

陳氏樂書宋大宴禁坊進二種舞方半則工伎止立

間以俳優

宴羣臣國使官

續文獻通考遼太宗天顯中正月宴羣臣國使官俳優角觥為

戲

阿丑詼諧

明貂璫史鑑中官阿丑善詼諧於上前作院本頗有東方朔諷諫之風汪直用

事勢傾中外一日丑作醉人酤酒一人伴曰某官至酤如故又曰駕至酤亦如故又曰汪太監來矣醉者驚迫帖然旁一人曰駕至不懼而懼汪太監何也曰吾知有汪太監不知有天子時王鉞陳鉞婿直丑復作直持雙斧趨踰而行或問故荅曰吾將兵惟仗此兩鉞耳問鉞何名曰王鉞陳鉞也上微哂焉

倡優四

增詩元范梈侏儒行曰君不見東方朔長九尺餘不如

侏儒長三尺朝奉一囊錢夕竟飽死復何益死者不可作飢者食有餘堂堂之軀天所命生之短者續則悲嗟乎世之人羨彼侏儒復何為

雜戲一

增樂記子夏對魏文侯曰今夫新樂進俯退俯姦聲以濫溺而不止及優侏儒擾雜子女不知父子樂終不可以語不可以道古此新樂之發也 漢官典職曰正旦天子臨陽德殿受朝賀作九賓樂舍利從西方來戲於

殿前激水化成比目魚跳躍激水作霧翳日畢又化成
龍八大出水遊戲炫耀目光又踏跼屈身藏形於斗中
鐘鼓進唱樂畢作魚龍曼延黃門吹三匝 列子曰宋
有蘭子以妖千元君以雙屐長倍其身屬其蹯並趨馳
七劍迭而躍之賜金後復有以驚戲千元君將戮之此
伎雖同而時異也 文獻通考曰雜戲起於秦漢有魚

龍曼延高絙鳳凰安息五按

並石李龍所作見鄴中記

都盧尋橦

見西

京戲車山車興動雷

見李尤長樂觀賦

跟挂腹旋

見傳元西都賦

吞刀

履索吐火

見西京賦

激水轉石激霧扛鼎

並見李尤長樂觀賦

象人

西漢

書韋昭曰

怪獸舍利之戲不為不多矣然其驚俗駭觀

非所以善民心化民俗適以滔堙心耳歸於淫蕩而已

續文獻通考曰遼穆宗寶應中正月與羣臣為格葉

戲金大定中重五幸廣樂園射柳其法插柳球場為

兩行皇太子親王百官當射者以尊卑序各以帕識其

枝去地約數寸削其皮而白之先以一人馳馬前導後

馳馬以無羽橫簇箭射之既斷柳又以手接而馳去者

為上斷而不能接者次之或斷其青處及中而不能斷與不能中者為負射必伐鼓以助兵氣已而擊球各馳所習馬持鞠杖杖長數尺其端如偃月分其衆為兩隊共爭擊一球先於球場南立雙桓置板下開一孔為門而加網為囊能奪得鞠擊入網囊者為勝或兩端對立二門互相排擊各以出門為勝球狀小如拳以輕鞞木枵其中而朱之皆所以習驍捷也 元駕前承應有雜戲飛竿走索踢弄藏橛等伎

雜戲二

原蕩心 惑目

作奇技淫巧以蕩上心 夏統別傳女巫張陳二人並有國色能絕形匿影眩

惑人

猱雜

驚戲

上子夏對魏文侯詳前一 下列子詳一

猿騎

戲

車

石虎鄴中記走馬或在馬脇或在馬頭或在馬尾馬走如故名為猿騎 張衡西京賦爾乃建戲車樹修

旗倣僮程材上下翩翩

角抵

緣竿

漢武故事未央庭中設角抵戲享外國三百里內觀

角抵者使角力相觸也其雲雨雷電無異於真畫地為川聚石成山倏忽變化無所不為 西京賦都盧尋橦

注云都盧山名其人善緣竿百戲

象人

激水

上詳一 下漢官典職詳一

運

奇量伎

李尤平樂觀賦方曲既設祕戲運奇馳騁百馬連翩九仞離合上下 漢武帝令兩兩相

當角抵
量其伎

六國造

正會作

漢武故事內庭常設角抵
戲角抵者六國時人所造

也石虎鄴中記虎正會殿前作
樂龍魚鳳皇五案之屬莫不畢備

額上緣撞

撞頭

安木

又云額上緣撞左回右轉又云撞著口齒上亦如
之又云立木撞長二丈撞頭安木兩伎兒各坐

木一頭或鳥飛或倒
挂又作獼猴之形

魚龍曼延

神龜歌舞

西京賦
注假作

獸以戲
植宴樂賦曹

跳丸躍劍

植瓜種棗

劉梁七舉秦俳
趙舞奮袖低仰

跳丸躍劍騰虛踏空
孔緯七引摩興
雲霧畫成河洛植瓜種棗立起尋尺

吞刀吐火

飛劍舞輪

上一見女樂二妙舞注一見本條惑目注
傳元西都賦手戲絕倒凌虛寄身跳丸擲拙

飛劍
舞輪

戲索上尋

猿戲雲表

曹植宴樂賦
會賦猿戲於雲表燕躍
傳元朝

於輕

黃門武樂

後宮祕戲

後漢祭遵為征虜將軍帝幸遵營士卒作黃門

武樂良久乃罷

周仁得與後宮祕戲以垢污無所嫌

畫地成川

激水集雨

魏晉記江左有夏育扛鼎巨鰲行龜舡舞背舞靈岳桂樹白雪畫地成川之戲晉夏統會稽人至洛上日賈充請作鄉閭樂曹娥死國人作河女章伍胥戮作小海唱以足叩船引聲喉轉含水激天雷雨鵲集衆懼止之

興雲動雷

激水轉石

仙唱

奇戲

殫所未見

必有可觀

臨迴望之廣場

呈角抵之妙戲

桓

子受而不拜

文侯聽而無倦

增撥頭

瞋面

文獻通考

撥頭出西域父為猛獸所噬其子求獸殺之為此舞以象也又曰唐有此戲其狀以手舉足加頸上時劉吃

陀奴能不用手而脚自加頸

藏櫪

上竿

續文獻通考元戲詳一又曰緣撞之伎唐曰

竿木今曰上竿

弄槍

飛彈

又曰弄槍伎蓋工裸帶數環捲一工立數十步外連擲十餘槍

以度之既畢乃一捲受其槍也又曰飛彈伎置丸於地反張其弓飛丸以射之也

藏挾

擎

戴又曰藏挾幻人之術蓋取物象而懷之使觀者不能見其機也又曰擎戴伎蓋兩伎以手相抵戴而行

也戲繩

銜書

又曰即張衡所謂走索上而相逢也梁三朝伎謂之高絙或曰戲繩今謂

之踏索馬又曰宋齊以來三朝設鳳皇銜書伎是日侍中於殿前跪取其書舍人受書陞殿跪奏皆有歌詞

捫翠

抃腰

又曰齊武帝嘗遣主書董仲氏按孫興公賦造菰苔石橋道士捫翠之狀尋省

馬又曰抃腰伎翻折其身手足皆至於地以口銜器而復立也

甃瓶

排闥

又曰甃瓶

伎楚其瓶使上於鐵鋒杖端或水精丸與瓶相值回旋而不失也 又曰唐昭宗光化中孫德昭之徒刃劉季

述帝反正命樂工作 訝鼓 擊壤 通齊閒覽宋王子 樊噲排闥戲以樂焉

士為訝鼓戲子醉與西人對陣命軍士百餘人為訝鼓 隊出軍前敵見驚愕遂擊破之 逸士傳堯時有壤父

五十人擊壤於康衢藝苑擊壤大戲也 又曰壤以木為 之前廣後銳長四尺三寸濶三寸其形如履將戲先側

一壤於三四十步外以 格葉 擊球 上遼事詳一 手中壤擊之中者為吉 下金事詳一

射柳 雜旋 上詳一 文獻通考雜旋伎取 婆羅門

窟礪子 又曰唐睿宗時婆羅門獻樂舞人倒行而以 足舞極銛刀鋒倒植於地抵目就刃以厯險

中又於背上吹簫策其腹上曲終而亦無傷又伏伸其 手兩人躡之旋身繞手百轉無已 又曰窟礪子亦曰

魁礮子作偶人
以戲善歌舞

透劍門

弄木偶

又曰漢世卷簾席
以矛插其中伎兒

以身投從中過之後世攢劍為門伎者裸體擲度往復
不傷孔帖唐崔彥曾為徐州觀察使桂州戎者脅糧

料判官龐勛為將北還達泗口所過
先遣俳兒弄木偶伺人情以防邂逅

絕倫筋斗

入

神長竿

教坊記上於天津橋設帳殿酺三日教坊一小
兒筋斗絕倫乃衣以繒綵梳洗雜於內妓中少

頃緣長竿倒立尋復去手久之垂手翻身而下樂人皆
捨所執宛轉於地大呼萬歲中使宣旨云此伎尤難近

方教成欲以矜異而其實小
兒也下劉晏詩詳舞三注

迎駕奏樂

分朋擊鞠

孔帖唐咸通中諸王多習雜戲天子幸其院則奏樂
續文獻通考遼聖宗統和元年七月臨潢尹裏袞進飲

饌上與諸王
分朋擊鞠

戲族咸在

百弄迭作

眎仙童之霓

裳

觀壯夫之角抵

唐文粹李
灰西都賦

雜戲三

原詩隋薛道衡和許給事善心戲塲轉韻詩曰京洛重

新年復屬月輪圓雲間壁獨轉空裏鏡孤懸萬方皆集

會百戲盡來前臨衢車不絕夾道閣相連驚鴻出洛水

翔鶴下伊川豔質迴風雪笙歌韻管絃佳麗儼成行相

携入戲塲衣類何平叔人同張子房高高城裏髻峨峨

樓上妝羅裙飛孔雀綺席垂鴛鴦日映班姬扇風飄韓

壽香竟夕魚負燈徹夜龍銜燭戲笑無窮已歌詠還相
續羌笛隴頭吟胡舞龜茲曲假面飾金銀盛服搖珠玉
宵深戲未闌競為人所難卧驅飛玉勒立騎轉銀鞍縱
橫既躍劒揮霍復跳丸抑揚百獸舞盤跚五禽戲狻猊
弄班足巨象垂長鼻青羊跪復跳白馬迴旋騎忽覩羅
浮起俄看鬱昌至峰嶺既崔嵬林叢亦青翠麋鹿下騰
倚猴猿或蹲跂金徒列舊刻玉律動新灰甲萐垂陌柳
殘花散苑梅繁星漸寥落斜月尚徘徊王孫猶勞戲公

子未歸來共酌瓊酥酒同傾鸚鵡杯普天逢聖日兆庶
喜康哉 增唐玄宗傀儡吟曰刻木牽絲作老翁雞皮
鶴髮與真同須臾弄罷寂無事還是人生一夢中 又

觀拔河俗戲詩曰壯徒恒賈勇拔拒抵長河欲練英雄
志須明勝負多譟齊山岌業氣作水騰波預期年歲稔
先此樂時和 張說和曰今歲好拖鉤橫街敞御樓長
繩繫日往貫索挽河流鬪力頻催鼓爭多更上籌春來
百種戲天意在宜秋 柳曾險竿行曰山險驚摧輶水

險能覆舟爾何平地不肯立走上百尺高竿頭我不知
爾是人耶復猱耶使我為爾長歎嗟 劉言史觀繩伎
詩曰泰陵遺樂何最真綵繩冉冉天仙人廣場寒日風
日好百夫伐鼓錦臂新銀畫青綃抹雲髮高處綺羅香
更切重肩接立三四層著屐背行仍應節兩邊圓劒漸
相迎側身交部何輕盈閃然欲落却收得萬人肉上寒
毛生危機險勢無不有倒挂纖腰學垂柳下來一一笑
蓉姿粉薄鈿稀能轉竒坐中還有沾巾者曾是先生初

教時 王建尋橦歌曰人間百戲皆可學尋橦不比諸

餘樂重梳短髻下金鈿紅帽青巾各一邊身輕足捷勝
男子繞竿四面爭先緣習多倚附欺竿滑上下踰躐皆
著襪翻身垂頸欲落地却住把腰初似歇大竿百夫擎
不起裊裊半在青雲裏纖腰女兒不動容戴行直舞一
曲終迴頭但覺人眼見矜難恐畏天無風險中更險何
曾失山鼠懸頭猿挂膝小垂一手當舞盤斜慘雙蛾當
落日斯須改變曲解新貴欲歡他平地人散時滿面生

顏色行步依前無氣力 又鞦韆詞曰長長絲繩紫復
碧嫋嫋橫枝高百尺少年兒女重鞦韆盤巾結帶分兩
邊身輕裊薄易生力雙手向空如鳥翼下來立定重繫
衣復畏斜風高不得傍人送上那足貴終賭鳴璫鬪自
起迴迴若與高樹齊頭上寶釵從墮地眼前爭勝難為
休足踏平地看始愁 元吳萊梳珠伎詩曰梳珠聞自
宮掖來長竿寶梳手中迴日光正高竿影直風力旋空
珠勢側當時想像鼻生蔥宛轉向額栽芙蓉筋頭交筋

忽神駭矛葉舞矛憂伎窮昔人因戲存戒懼後人忘戒
但戲豫漢朝索撞險還愁晉世栝拌危不寤徘徊徊
奪目睛歌歌傾傾獻玉瓔滑涎器從龍堂出輝燄命與
鬼骨爭君不見王家大娘材藝絕勤政樓前戲竿折市
人歡笑便喧城驚動金吾白梃聲 薩都拉鞦韆謠曰
寒梅零落春雪灑蕭娘腰瘦無一把澹黃楊柳未成陰
何人已繫青驄馬畫樓深處迎春歸鞦韆影裏紅杏肥
濛濛花氣濕人面東風吹冷輕羅衣衣上粉珠流不歇

暗解翠袞花下摺殷勤莫遣燕子知會向人間報風月
增賦唐高無際後庭鞦韆賦曰聚嬌亂立以推進一態
嬋娟而上躋乍龍伸而蠖屈將欲上而復低擢纖手以
星曳騰弱質而雲齊一去一來鬪舞空之花蜨雙上雙
下亂晴野之虹蜺 李濯內人馬伎賦曰翹趾金鞍之
上雷去而都閑委身玉鐙之旁風驚而詭譎人矜綽約
之貌馬走流離之血 王邕長竿賦曰玉顏直上金管
相催顧影而忽升河漢低首而下指樓臺整花鈿以容

與轉羅袖而徘徊晴空乍臨若虛仙之踴出片雲時映
若仙女之飛來初騰陵以電激倏縹緲而風旋或暫留
以頭挂又却倚而肩連 又內人蹋球賦曰揚袂疊足
徘徊躑躅雖進退而有據常兢兢而自勗球體兮似珠
人顏兮似玉下則雷雨之宛轉上則神仙之結束無習
斜流恒為正遊球不離足足不離球 張楚金樓下觀
繩伎賦曰下曲如鈎中平似掌初綽約而斜進竟盤姍
而直上或徐或疾乍俯乍仰 金厚載都盧尋橦賦曰

彼修竿兮迴立天中有都盧兮身輕若風拂雲端之縹
緲似欲升天跨撞末之歌危若有餘地徒觀其遠望蹁
躚輕如列仙形翻碧落足動晴煙杳杳難分宛在朝天
之外亭亭迴映全高衆木之顛 林滋木人賦曰原夫
始自攻堅終資假手雖克已於小巧之下乃成人於大
朴之後來同辟地舉趾而根抵則無動必從繩結舌而
語言何有 王榮吞刀吐火賦曰素刃兮倏去於手紅
光兮遽騰其口始蔑爾以虹藏竟燿然而雷走神仙不

常變化多方或漱水而霧合或吐飯而蜂翔曾未若彼
用解牛我則噓喉而挫銳彼皆鑽燧我則鼓舌以生光

四裔樂一

原周禮春官鞀鞀氏掌四裔之樂與其聲歌

鄭玄注曰東方曰昧

南方曰任西方曰朱離北方曰禁

增又云旄人掌舞散樂裔樂

注裔樂四

裔之樂散樂野人為樂之善者

禮記曰昧東裔之樂任南蠻之樂

又曰納蠻裔之樂於太廟以祀周公言廣魯於天下也

西南裔傳漢永寧元年雍由調遣使朝賀獻樂後

漢西南裔傳永平中益州刺史朱輔上疏曰白狼王唐
敢等慕化歸義作詩三章有犍為郡掾田恭與之習狎
頗曉其言臣今訊其風俗譯其辭語遣從事史李陵與
恭護送詣闕并上其樂詩昔在舜帝舞四裔之樂今之
所上庶備其一帝嘉之事下史官錄其歌焉 白虎通
云樂元語曰受命而六樂樂先王之樂明有法與其所
自作明有制興四裔之樂明德廣及之也故南裔之樂
曰兜西裔之樂曰禁北裔之樂曰昧東裔之樂曰離

元馬貴與曰隋唐所謂燕樂西戎之樂居其大半鄭夾
漈以為雅頌亦自西周始凡清樂妙舞未不自西出
者八音之音以金為主五方之樂惟西是承雖曰人為
亦莫非稟五行之精氣而然是固一說也

四裔樂二

原德及

澤被

班固東都賦四裔間
兜離罔不具集

五經通義舞四裔之
奏德廣所及禁侏

樂明德澤廣
被四表也

納魯廟

獻漢庭

上詳前一
後漢書永寧元年西南裔禪

國王獻月樂及伶人明年元會作
之於庭安帝與羣臣共觀大奇之

狄鞮倡

扶婁伎

司馬相如上林賦俳優侏儒狄鞮之倡郭璞注曰狄鞮西方之樂名也王予年拾遺記成王之時南垂之南

有扶婁國或於掌中備百獸之樂婉轉屈曲於指間人形或長數分神怪歟忽樂府傳此伎末代猶學焉

被四表

穆八荒

上詳澤被注掌之音

左思魏都賦鞮鞻所禁之曲以娛四裔之

君以穆八荒之俗

旄人掌

鞮師教

上詳一教鞮樂祭祀則帥其屬

而舞之大饗亦如之注舞以東高之舞

一天下

娛耳目

又鄭注曰王者必作四高

之樂一天下也

司馬相如上林賦俳優侏儒狄鞮之唱所以娛耳目樂心意者麗靡爛漫於前靡曼美色於

後

奏于君會

作于帝庭

史記魯定公會齊景公於夾谷孔子攝相事其有司

趨進曰請奏四裔樂於是旌旄羽仗矛戟劍撥鼓譟而至孔子趨進歷階而登舉袂大言曰吾兩君為好會裔

狄之樂何為請有司却之齊侯乃麾而去後漢陳禪
為諫議大夫西南禪國獻樂及幻人能吐火自支解易
牛馬頭大會作之於庭禪離席舉手曰帝王
之庭不宜作夷樂尚書陳忠劾禪詔勿收
舍利繩

上之戲 賓旅巴渝之舞

晉樂志後漢天子受朝賀舍
利從西來戲於殿前詳雜戲

詳舞

增南詔

西涼

玉海貞元中南詔異牟尋遣使
詣劍南西川節度使韋臯獻商

中歌曲且今驃國進樂又曰周隋管絃雜
曲數百皆西涼樂也鼓舞曲皆龜茲樂也

舞獅

蹀馬

唐景龍文館記三年宴吐蕃使於承慶殿太常引
樂人奏五方獅子六商等舞殿中奏蹀馬之戲

踏鉦

迎鼓

文獻通考渤海俗每歲時聚會作樂先
命善歌舞者數輩前行士女隨之更唱

迭和回旋宛轉號曰踏鉦又云扶餘以
臘月祭大會連日飲食歌舞名曰迎鼓

水曲 芝

舞

又曰宋至道中祥河來朝令作本國歌舞一人吹笙如蚊蚋聲良久十數輩連袂宛轉而舞以足頓地為

節詢其名則曰水曲也

又曰安國其歌曲有附莖

單時歌芝栖舞曲末奚舞芝栖解曲隋唐以備燕樂

珠冒

霞膝

玉海驃國傳德宗時獻國樂曲名凡十有二樂工皆崑崙衣緯毼朝霞為蔽膝初奏

樂有贊者一人先導樂意其舞容隨曲用人或二或三或四或六或八至十皆珠冒拜手稽首以終節

昔昔鹽

雙雙舞

文獻通考疎勒曲調有昔昔鹽一臺鹽之類隋唐以補燕樂部又高麗

國樂舞者四人雙雙併立而舞隋唐九部樂有高麗伎

聖明曲

真人歌

隋開

皇中高昌獻聖明樂曲唐平高昌盡收其樂

樂志後魏樂府初有北歌亦曰真人歌

燉煌舞

突撚樂

續文獻通考遼太宗會同三年端午日百僚暨諸國使稱賀如式燕飲命回鶻燉煌二使

作本國舞 又曰金太宗天會四年八月突撚取新樂

轉寫其聲 三疊成字

會要隋平林邑獲扶南二人及其匏琴朴陋不可用乃以天竺樂轉寫其聲 唐驃國傳韋臯作南詔奉聖樂聖字詞末皆恭揖以明奉聖每一字由三疊各為五成

四裔樂三

原詩後漢遠裔慕德歌詩曰蠻裔所處日入之部慕義向化歸自明主聖德恩深與人富厚冬多霜雪夏多和雨寒溫時適部人多有涉危歷險不遠萬里裔俗歸德心歸慈母 又遠裔懷德歌詩曰荒服之外土地境垺

食肉衣皮不見鹽穀吏譯傳風大漢安樂攜負歸仁長
願臣僕 增唐白居易諷諭詩曰玉螺一吹雅髻聳銅
鼓千擊文身踊珠纓炫轉星宿搖化鬘斗數龍蛇動
增賦唐劉公輿太常觀四裔樂賦曰浹洽元化沐浴聖
澤鞮鞻掌其方位太常總其樂器列在天庭陳其鼓吹
傑侏兒離風旋鳥翅狄鞮騁能扶婁效智

御定淵鑑類函卷一百八十七